



सानसेयारि 'बड'सा' श्रीरालाइयाव
अमाज्यादि जिउजो लोब्बा थावाय रायथाय, खन्थाय,
अल', अल'बाथा आरो हावबायारि थावनि, पार्क
बाइदिनि सायाव लिन्नाय लिन्नाय दैथाय ठर/
सानसेयारि 'बड'सा' श्रीरालाइया अवेरान्नावै
फोसावगोन।
बड'सायाव लिन्नायदि हुवा खालाम,
'बड'सा' श्री नौथो, जो बयबो आंगो खालाम।
सानसेयारि बड'सा मावखुलि
माइबं नोगोर, जोहोलाव देमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Saturday ★ 25 November, 2023 Kokrajhar, BTC, Assam ★ Vol.- 33, Issue No. 239 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

राजिब भवनआव बारग' गिबि मन्थि तरुन गगैनि 3थि बोसोरारि रुंसारि सान फालिदों

गुवाहाटी, 24 नभेम्बर:
आसामनि बारग' गिबि मन्थि तरुन
गगैनि 3थि धैनाय बोसोरारिखौ
थानाय ब्रह्मपतिबारखालि आसाम
कंग्रेस कमिटीनि राइज्योयारि
मावखुलि राजिब भवनआव मान
बाउनाय हाबाफारि महैरें खुंदों।
दोलोनि मावफुं आफादगिरि राना
गस्वामीआ बारग' गिबि मन्थिनि
सोमोन्दै गुवारै बिबुंथि होदों।
बिथाडा बुंदोंदि, आसामनि
अलखदजों मोगा-मोगि जानाय
रंखाथियारि थासरिखौ गावखौ
फोथायनायजों सोनारो हानायनि
थाखाय बिथाडा जायफोरखौ
(□ 5 बिलाइआव)

कक्राझारआव बिजेपिनि गेदेर सुबुंगौमा हाबाफारि खुंदों आसामाव निखावरि सुबुंफोरनि सरकारि साखि मोन्नायनि थासारि खालामना होदों बिजेपि सरकारआ: पियुज हाज 'रिका

कक्राझार, 24 नभेम्बर: फैगौ 2024
नि लक सभा बिसायख'थिखौ
लानानै दिने कक्राझारनि गिन्ड
फिल्डआव बिजेपि दोलोनि मोनसे
गेदेर सुबुं गौमायाव आसाम
सरकारनि सानै मन्थि पियुज
हाज 'रिका आरो जयन्त मल्ल
बरुवामोनहा बाहागो लाफेदों।
फासैथि कक्राझारनि गेदेर सुबुं
गौमायाव बाहागो लाफेनानै गावनि
बिबुंथियाव मन्थि पियुज
हाज 'रिकाया दिनेनफाय 2 खावसे
बोसोर सिगाडावनो जेब्ला
आसामाव बिधान सभा
बिसायख'थि खुंजादोंमोन। बे



समाव आसामनि गिबि मन्थि ड
हिमन्त बिश्व शर्माआ माखासे
खोथा होनायफोरनि बिबुंथिखौ
मख'दों। बे खोथा होनायनि गेजेरव
जेब्ला बिजेपिआ खुंथाइयाव फिन
फैफिनोब्ला गावसोर आथिखालाव
जागायजेनाय अरुन्दय बिथांखिनि
रांफोरखौ हाबाफारि बायदियै
बांहोगोन आरो अरुन्दय बिथांखिनि
नख'रारिफोरखौ 25 लाख, 26
लाख आरो 32 लाखसिम हाबाफारि
बायदियै बांहोनाय जागोन।
मन्थिआ बुंदोंदि, गिबि मन्थिआ
आरोबाव फोसावना होदोंमोनदि,
(□ 5 बिलाइआव)

बिटिसि सेक्रेटारियेटआव जुनियर खुंथाइयारि हेफाजाबगिरि आरो स्टेनग्रापार मासि आन्जादनि अक्टखौ सोलायबाय

गसाइगाव, 24 नभेम्बर: बिटिसि सेक्रेटारियेटआव लांदों जानानै थानाय
3थि थाखोनि साखि स्टेनग्रापार आरो जुनियर खुंथायारि हेफाजाबगिरि
मासि आन्जादनि अक्ट जर'खा जाहोनाव सोलायनाय जादों होन्ना
बड'लेन्ड मुलुग सोलौंसालिनि सोलौंथाइयारि रैजिस्ट्रार आ गंसे बिबुंसायनि
गेजेरजों फोरमायथायखौ फोसावना होयो। थानाय समाव बिटिसि
सेक्रेटारियेटआव लांदों जानानै थानाय मोननै बिफाननि मासिखौ सुफुंनो
थाखाय फोसावनाय फोसावबिलाइनि उनावनो आन्जाद सामलाय
आफादआ डिसेम्बर दाननि 3 अक्टखालि लिस्नाय आन्जाद खुंनो गासै
रहा आजावना लांदोंमोनब्लाबो जर'खा जाहोनाव बे लिस्नाय आन्जादखौ
डिसेम्बर दाननि 10 अक्टखालि खुंनो फिन थाथि आजावना लादों।
बड'लेन्ड मुलुग सोलौंसालिनि सोलौंथायारि रैजिस्ट्रार आरो लिस्नाय
आन्जाद सामलाय आफादआ फोसावनाय फोरमायथाय बायदियै बिटिसि
सेक्रेटारियेटआव जुनियर खुंथायारि हेफाजाबगिरि/स्टेनग्रापार (3थि
थाखो)आव थिसनानयि थाखाय बिजाथि सायख'नायनि लिस्नाय
आन्जाद खुंनानयि बिबानखौ बड'लेन्ड मुलुग सोलौंसालिनि गथायनाय
जादों। बे आयदायवनो लिस्नाय आन्जाद सामलाय आफादआ फैगौ 3
डिसेम्बर, 2023 अक्टखालि फुंनि 10 रिगानिफाय लिस्नाय आन्जादखौ
खुंनो साखा-फरा जादोंमोनब्लाबो जर'खा जाहोनाव लिस्नाय आन्जादनि
सानखौ से सपताहनि उनाव लाखिनानै (□ 5 बिलाइआव)

ककलाबारिआव जि दाग्राफोरनो जि दानायनि मुवा-बेसाद आरो अन्साय बिथांखिनि चेक रान्दों

भवानिपुर, 24 नभेम्बर: बाक्सा
जिल्लानि सालबारि महकुमानि
सिडव थानाय आसाम सरकार
बावैसो सिगां फोसावनानै होनाय
ककलाबारि आखाइ इसान आदर्स
गामिनि जि दाग्राफोरनि गेजेरव
दिने जि दानायनि मुवा-
बेसादफोरखौ रान्दानै होनाय जायो।
जि दाग्राफोरनि गेजेरव जि
दानायनि मुवा-बेसाद रान्नाय
हाबाफारिखौ बेखेवनानै होयो



आसाम सरकारनि केबिनेट मन्थि
आरो आखाइ इसान आरो जि

बिफाननि मन्थि उखांव गोरा
ब्रह्मआ। बे हाबाफारिखौ
बेखेवनाय हाबाफारियाव मन्थि
(□ 5 बिलाइआव)

अन्साइ बिथांखिनि गेजेरजों देबोरगाव बियाबआवबो सा 200 मुलाम्फारिफोरनो 5 रोजा रानि चेक बिलाइ गथायदों

कक्राझार, 24 नभेम्बर:
बिटिआरनि फिसा-फिसा फालांगि
खालामनानै नख'र दैदेनग्रा
फालांगिफोरखौ थुलुंगा होनाय
आरो बिथांमोननि फालांगि
खालामनायाव एसेब्लाबो
हेफाजाब होनायनि थांखिजों
बिटिआर सरकारनि जागायनाय
अन्साइ बिथांखिनि गेजेरजों
बिटिआरनि गासै बियाबफोरवनो
रांखाथि अन्साइनि चेक बिलाइ
गथायदों। बेबायदिनो कक्राझार



जिल्लानि सिडव थानाय 10 नं
देबोरगाव बियाबआवबो दिने सा
200 फालांगिफोरनो रांखाथि
अन्साइ गथायनाय जादों।
देबोरगाव ब्लक कमिटी
इडपिपिएलनि बान्जायनायाव
तित्तगुरि भिसिडिनि मावखुलियाव
मोनसे हाबाफारि खुंनानयि गेजेरजों
दिने अन्साइ बिथांखिनि गेजेरजों
मुलाम्फारिफोरनो 5000 रानि
चेकखौ रान्नाय जायो।
(□ 5 बिलाइआव)

बासबारिआव आदिबासि फरायसा आफादआ मोन्थाय सान फालिदों

कंग्रेस सरकारनि समाव आदिबासि राइजो-
राजाफोर नेवसिजादोंमोन: मानसुख सांखारिका



भवानिपुर, 24 नभेम्बर: बाक्सा जिल्लानि सालबारि महकुमानि सिडव
थानाय बासबारिनि फातेमाबाद साहा बागानाव दिने आदिबासि फरायसा
आफादनि बान्जायनायाव मोन्थाय सान फालिनाय जायो। दुलाराइ
आदिबासि फरायसा आफादनि बासबारि (□ 5 बिलाइआव)

बिटिसि सरकारनि अन्साय बिथांखिनि चेक रान्दों

गसाइगाव/बासुगाव, 24
नभेम्बर: कक्राझार जिल्लानि
गसाइगाव कासियाबारिआव दिने
सा 243 मुलाम्फारिफोरनो
बिटिसि सरकारनि अन्साय
बिथांखिनि चेक रान्दानै होयो।
कासियाबारिआव थानाय
भिसिडिनि राइजोयारि भवनआव
खुंनय बे चेक रान्नाय
हाबाफारियाव गाहाइ आलासि महैरें
गसाइगाव बिधान सभा बियावनि
एमएलए जिरन बसुमतारिआ
बाहागो लानानै गोरलैसोनाय
राइजो-राजाफोरनि थाखाय बिटिसि
सरकार गोबां मिर्जिथि जाथाव



बिथांखिफोरखौ आजावदों होन्ना
मख'नानै बेनि थाखाय बिटिसिनि
गाहाइ मावफुं सोद्रमा प्रमद
बर'निसिम साबायख'र जासिहरो।
(□ 5 बिलाइआव)



बे हाबाफारियाव बिटिसिनि मावफुं
सोद्रोमा रेवैवा नाजिहारीआ बाहागो
लानानै बिटिआर सरकार थांनाय
बोसोरनि बायदिनो आइजोफोरखौ
(□ 5 बिलाइआव)

तामुलपुरआव बिटिसि सरकारनि अन्साय बिथांखिनि सिडव सा 237 मुलाम्फारिफोरनो चेक गथायदों

हाग्रामा महिलारीआ जौ-बेदर जगायनायनि अनगायै जेबो बिथांखि आजावाखै: जलेन दैमारी

तामुलपुर, 24 नभेम्बर: हाग्रामा
महिलारीआ थांनाय समफोराव
बिटिआरआव राइजो-राजाफोरनो
जौ आरो बेदर जगायनायनि
अनगायै जेबो रोखेमनि
बिथांखिफोरखौ आजावासै। बे
बाथाखौ बुंदों तामुलपुरनि
एमएलए जलेन दैमारीआ। दिने
तामुलपुर जिल्ला इडपिपिएलनि
(□ 5 बिलाइआव)



गसाइगावनि सेंमारिआव बिपिएफ दोलोनि बिसायख'थियारि मेल खुंदों

गसाइगाव, 24 नभेम्बर: फैगौ
लक सभा बिसायख'थिखौ नोजोर
लानानै राइज्यो आरो बिटिआरनि
खुंथाइयाव थानाय दोलोआ
बिसायख'थि फोसावदिनाय
हाबाफारिखौ जागायजेनायजों
लोगोसेनो बिटिआरनि गाहाइ बेखे
दोलो बिपिएफआबो गुदि
थाखेखौ गोखौ खालामनो थाखाय
साखाफारा जादों। दोलोनि
आफादगिरि आरो बारग' बिटिसिनि
गाहाइ हाग्रामा महिलारीनि बिथोन



बायदियै जिल्ला आफादनि
मोनफ्रोमबो प्राइमारी कमिटीखौ

गोखौ खालामनो थाखाय जायगा
जायगा मेल-आफाद खुंनयजों
लोगोसेनो गसाइगाव महकुमानि

सेंमारिआव दिने बिपिएफनि मोनसे
मेल खुंनय जादों। बिपिएफनि
(□ 5 बिलाइआव)

आसुनि गोदान मिरु आफादखौ फोसावबाय आफादगिरि महैरें उत्पल शर्मा आरो गाहाइ नेहाथारि महैरें शंकर ज्यती बरुवामोनखौ फिन सायख'फिनबाय

गुवाहाटी, 24 नभेम्बर:
सानथामनाडै हाबाफारिजों थांनाय
21 नभेम्बरनिफाय मरिगाव
खुंजानाय दुलाराय आसाम
फरायसा आफाद सुंद'थै आसुनि
18थि सरासनसा जथुम्मायाव
आफादनि गोदान मिरु आफादखौ
फोसावबाय। आसुनि गोदान
आफादगिरि महैरें उत्पल शर्माआ
सायख'जाबाय। आगुआवनो



उत्पल शर्माआ आसुनि बिबान
मोन्नाय आफादगिरि महैरेंनो
दंमोन। लोगोसेनो गाहाइ नेहाथारि
महैरें शंकर ज्यती बरुवाआ फिन
सायख'जाफिनबावबाय। बे गोदान
कमिटीनि गाहाइ बोसोनगिरि महैरें
ड' सम्जल भत्ताचार्यआनो
थागोन। नाथाय गासै मासियावनो
आगुनि मासियाव थांनाय
(□ 5 बिलाइआव)

बाउखुंग्रि बिटिसि बियाबआव अन्साइ बिथांखिनि गेजेरजों सा 243 मुलाम्फारिफोरनो चेक रान्दों



कक्राझार, 24 नभेम्बर: बिटिआर सरकारनि नैथि खोलोवनि आरोबाव
बाखायथाव खामानि। फिसा-फिसा फालांगि मावग्रा आइजोफोरनो
राखरि अन्साइ हेफाजाब होबोनाय हाबाफारिखौ दिने बिटिआरनि
मोन 40 बियाबआव 5000 रानि चेक (□ 5 बिलाइआव)

भवानिपुरनि शंकरदेब शिसु निकेतननि रुफाथि माइथाय फोर्बो थुंगेनाय हाबाफारि शंकरदेब शिसु निकेतनआ हारियारि सोदोमस्त्रि, हारिमु रैखाथिनि सोलौंथाइ होदों: पनिधर तालुकदार

भवानिपुर, 24 नभेम्बर:
आसामआव शंकरदेब शिसु
निकेतनफोरा फरायसाफोरखौ
फरा-फारिनि सोलौंथाइ होनायजों
लोगोसेनो आद्यात्मिक आरो
सांथौयारि गियाननि सोलौंथाइ
होनायजों सुबुं सम्पद जौगाखां
होनायनि बिथांखौ गोबाडै



सिगांहोलांदों। शंकरदेब शिसु
निकेतनआ हादतनि माहारियारि
सोदोमस्त्रि आरो हारिसुनि रेखाथिजों
सोलौंथाइ होदों। आसामनि हारियारि
जिउखौ गोखौ खालामनानयनि
बिथिडाव शंकरदेब शिसु
निकेतनआ जर'खा बिफाव
(□ 5 बिलाइआव)

हांखायारि 15 थि बड'सा काप फुटबल टूर्नामेन्ट 2023

तामुलपुर, नभेम्बर: तामुलपुरनि
बड'सा स्पर्टस क्लबनि
बान्जायनायाव थांनाय 18
नभेम्बरनिफाय सोलिबाय थांनाय
माहारियारि थाखायि हांखायारि
फुटबल बादायलायनाय 15 थि
बड'सा काप 2023 नि दिनेनि
मेचखौ तामुलपुरनि उलुवारि मिसन
संघनि गेलेग्रा फोथाराव अरुणाचल
लेबां एफसि आरो गुवाहाटीनि आसाम
वेरिसस एकाडेमिनि गेजेरव गेलेयो।
मोन्नेबो हांजायि नारा-नाथाव
(□ 5 बिलाइआव)



मध्य प्रदेशनि समायना जायगाफोरव दावबायहैनायनि थाखाय आइ आर सि टि सिआ टुर पेकेज लानानै फैदों

भारत हादतआव गुबुन-गुबुन रइज्योफोरव गोबां समायना आरो मख 'जाथाव दावबायग्रा जायगाफोर दड। बेफोरनि गेजेराव मध्य प्रदेशआबो मोनसे, जेराव दावबायनो-बेरायदिनो जायगानि आंखाल गैया। बेफोर जातिमिनारि लुथायफोरजों लोगोसेनो धोरोमारि दावबायारिफोरनि थाखायबो मुंदांखा। मध्य प्रदेशनि राजथावनि इन्दौरनि मुंआ बयनिखुइबो साखोन-सिखोनसिन ेसहरफोरजों फारिलाइयाव थाफानो हादों। अन्ध प्रदेशआव दावबायनो गोसो गुदु सुबुंफोरनि थाखाय आइ आर सिटिसिआ मोनसे मोजां सुबिधा लानानै फैदों। बेनि गेजेरजों नोंथाडा खम बाजेटआववो दावबायहैनो हागोन आरो बेयावनि समायना जायगाफोरखो गावनि मेगनजों नायनो हागोन। आइ आर सिटिसिआ लाबोनाय पेकेजआ गासै 5 सान आरो 4 हरनि जागोन आरो बैयाव इन्दौर, मान्डु, अंकारेश्वर, उज्जैन



बायदिफोरव दावबायनायनि सुबिधा दड। बे बाडइ बाजेटनि पेकेज टुरआ 19 डिसेम्बरनिफ्राय जागायनानै गोदान बोसोर 2024 नि 24 जानुवारिसिम सोलिगोन। बेनि गेजेराव नोंथाडा सिगांनो बुकिं खालामनानै बबे खेबनि गेजेराव टुरखो नांगौ बेखो सायख 'ना लानो हागोन। टुर पेकेजआव थांनाय फैनायनि प्लाइट टिकेट, थाथ 'नायनि हटेल रुमजों लोगोसेनो ब्रेकफास्टनिफ्राय लानानै डिनारनि सुबिधाबो मोनगोन। फारसेथिं ट्रेभेल इन्सुरेन्सिनो खाबु लाबोदों

आरो एसि गारिजों डेस्टिन्सफोरव बेरायदिनायनि खाबु होगोन। बेफोर गासिबो खाबुनि थाखाय बे ट्रिपआव हारसिं थाडोब्ला सासेयाव 34,220 रं गथायनांगोन। नाथाय सानै थाडोब्ला साफायाव 28,250 रं आरो सा 3 जयै थाडोब्ला साफ्रोमबो 27,210 रं होनांगोन। नख 'रैनो दावबायहैनायनि प्लेनिं खालामनोब्ला, उन्दै गथ 'फोरनि थाखाय आलादा रं होनांगोन। बेजों लोगोसे 5-11 बोसोरनि गथ 'फोरनि थाखाय सासेयाव 25,150 रं आरो बेड लायाब्ला

22,950 रं होनांगोन। आइ आर सिटिसिआ गावनि बे टुर पेकेजनि बागै टुरिड खालामना मिबथिहोदों। बुकिं खालामनो थाखाय आइ आर सिटिसिनि अफिसियेल वेबसाइटआव थांनानै नोंथांनि हास्थायनाय बायदिथै अप्सनफोरखो सायख 'नानै बुकिं खालामनो हायो। बेनि अनगायै आइ आर सि टि सि टुरिज्म सुबिधा सेन्टर खालामनो हायो। पेकेजनि बागै गुवारै मिबथिनो थाखाय आइ आर सि टि अफिसियेल वेबसाइटआव थांनानै मिबथिना लानो हायो। □

कझिकडआव फिलिस्ताइननि मददआव कंग्रेसनि रेलि

कझिकड, 24 नभेम्बर: के रेलानि कझिकडआव फिलिस्ताइननि मददआव रेलि खुंनाय जादों। बे रेलिखो बृहस्पतिवार 23 नभेम्बरखालि केरेला रइज्यो कंग्रेस कमिटीआ खुंदोमोन। बेयाव केरेलानि सानै गिदिर दैदेनगिरि के सि भेनुगपाल आरो शशि थारुआबो बाहागो लादों। रेलिआव रइज्यो कंग्रेसनि माखासे दैदेनगिरि आरो मावसुमाफोरबो दंफायोमोन। बेयाव के सि भेनुगपालआ बुडोदि, उदांसिनि उनाव कंग्रेस सरकारआ जेब्लाबो इजराइलनि गाग्लोबनायखो हेंथा होदों। जों जेब्लाबो फिलिस्ताइनखो बिसोरनि हानि दावहायाव मदद खालामदों। नाथाय गाहाइ मन्थि नेरुद्र मदिनि खुंथायाव फैनायनि उनाव सरकारआ गावनि स्टेन्डखो सोलायदों। बेनि सिगांबो केरेलायाव खुंथायाव थानाय सिपिएम, इन्डियान इजिनियन मुस्लिम लीग आरो माखासे गुबुन दोलोफोरा फिलिस्ताइननि मददआव रेलि



खालामदों। बेनि उनाव इन्दिरा गान्धी आरो राजिब गान्धीमोनहाबो फल' खालामदोंमोन। भेनुगपालनि बादिब्ला, सोनाब एसियाआव सोलिबाय थानाय दावहाखो होबथानो थाखाय जुथाय ह्यदरआव गुबुन गुबुन ह्यदरफोर मोनसे थांखि लाबोदोंमोन। बेयाव भर्तिनि समाव भारतआ बाहागो लायाखै। मिरु सरकारनि बे थांखिजों ह्यदरनि सुबुंफोरा लाजिनांथाव जादों।

बिथाड बुंभावदों, भारतनि गाहाइ मन्थि मदि आरो इजयइलनि गाहाइ मन्थि बेन्जामिन नेतन्याहुआ रेखोमसे। कंग्रेस दैदेनगिरिफोर दाय जाबसिनभावदों, बिजेपिआ गावसोरनि गुबुन ह्यदरयारि नेमखान्थिखो सुबुं सोमोन्दोखो लाखिबाय थानाय महरै बाहायगसिनो दड। जाहाथे बिसोर बिसायख 'थियाव देरहासारनो हायो। □

बिथाड बुंभावदों, भारतनि गाहाइ मन्थि मदि आरो इजयइलनि गाहाइ मन्थि बेन्जामिन नेतन्याहुआ रेखोमसे। कंग्रेस दैदेनगिरिफोर दाय जाबसिनभावदों, बिजेपिआ गावसोरनि गुबुन ह्यदरयारि नेमखान्थिखो सुबुं सोमोन्दोखो लाखिबाय थानाय महरै बाहायगसिनो दड। जाहाथे बिसोर बिसायख 'थियाव देरहासारनो हायो। □

साउदतभिता शंकरदेब शिशु निकेतननि बिजाब बाखि आरो सावराय न'ब्लानि अन्थाय खाम्फा गायसन्दां

भबानिपुर, 24 नभेम्बर: सालबारि महकुमानि सिडव थानाय साउदतभिता शंकरदेब शिशु निकेतननि लांगोनायाव दिनै बिजाब बाखि आरो सावराय न'ब्लानि लुनो अन्थाइ खाम्फा गायसन्दानै होयो भबानिपुर बिधान सभा बियाबनि एमएलए फनिधर तालुकदारआ। मख 'नो गोनादि, आसाम सरकारनि जथाय फान्डनि 10 लाख रं बाहायनानै साउदतभिता शंकरदेब शिशु निकेतननि गोदाने बिजाब बाखि आरो सावराय न'ब्लानि लुनाय जागोन होनानै अन्थाइ खाम्फा गायसन्दानै होनाय गावनि बिबुंथियाव एमएलए तालुकदारआ बुडे। एमएलए फनिधर तालुकदारआ बुडेदि, आसामनि गिबि मन्थि ड



हिमन्त बिश्व शर्माआ भबानिपुर बिधान सभा बियाबनि गं 7 शंकरदेब शिशु निकेतननो गंफायाव 10 लाख राडै होनायनि खोथा होदोंमोन। बे बायदिनो सरकारनि जथाय फान्डनि 10 लाख राडै गं 7 शंकरदेब शिशु निकेतननि लुफुंथाय फोजौखानायनि

थाखाय रं होदों। गिबि मन्थि ड हिमन्त बिश्व शर्माआ भबानिपुर बिधान सभा बियाबनि सुबुं सम्पद जौगाखां होनायनि थाखाय बियाबनि शंकरदेब शिशु निकेतनफोरनो रंखान्थियारि अन्सुंथाय होदों। बे अन्थाइ खाम्फा गायसन्नाय हाबाफारियाव भबानिपुर दख 'र

पन्चायतनि आफदागिरि बुद्धदेब पाटगिरि, गागि समाज सिबियारि नब कलिता, बिजेपिनि लाइमोन दैदेनगिरि त्रिदिप नाथ, साउदरभिता शंकरदेब शिशु निकेतननि गाहाइ फोरेंगिरि अहित नाथजों लोगोसे माखासे गागि सुबुंफोरा बाहागो लायो। □

रंजालि गथ 'फोरनि सौरा

कलम

सोर बुंजेननाय आनि मुंखौ कलम ? आंहादि गैया सुबुंनि बादि जिउ, महर बेरखां होनो हाया आं सुबुंनि अनगा साननाय गैया आंहा हारसिडे दावगानो हानायनि मेलेम गैया आंहा गियान आरजिनो हानायनि। बुब्लिन बाबेनलानायाव मोनदोंसै आं बायदि महर आरो बादि गावनि सुबुं माहारनि नेरसोन अननायनि। लिरा सुबुंआ बायदि लिरथाइ आंखौ बाहायना बेरखां होयो सुबुंआ बायदि खन्थाइ, राइथाय साजायनानै आनि हेफाजाब लाना, थारैनो आं थैनो रोडैअमर जेब्लासिम बुहुमाव सुबुंफोरा थागोन अब्लासिम बाहायजागोन आं सुबुंजों, गियान गैया होनना जाय नेवसिदों आंखौ साननाय गैया होनना जाय जोगारदों आंखौ, महर बेरखां होनो हायाखै बिसोर गावनि सिडव थाखोमानाय रंगौथिखौ। देरहासार जानो हागोन बिसोर मुलुगाव जेब्ला आंखौ गोनाथियाव बाहायगोन थारैनो आंनाव मा मुहनि दड, आं नडब्ला बुहुमानो खोमसि दरसि गमामायैनो, सुबुंनि अननायावनो मोनमारबाय आं सानथौ गोनां मुं कलम, थैवबो सोंनो लुबैयो सोर बुंजेननाय आनि मुंखौ कलम ?

—जोंसार बसुमतारि
6 नं सानतिपुर, गहपुर

नों बिदियैनो

दैसानि दोहौ मोसौ फाफिल देमलो-गुरजां खानाय बिलाड़, मंगलिय गावनि महरजों सैन्या हायना सारफावनाय नों बेसेदि समायना।

रिजि-रिजि हाथायफोरजों मिनिबालें मिनिना - मेगननि मिनिनाय, फाउदुर खावलायाव जर 'खा डिम्पॉल गोदोनाय नों बिदियैनो समायो रजे - पॉलरनि मेकाप नालाया।

गयरि गयरि खानाय सिखि-सिख्लानि स्ट्रैक खालामनाड रजे नोंखौ बिदियैनो समायखायो, मिथिगायारि समायनायानो नोंनि बेसेबांवा मुहिसारनायखा नों बिदियैनो समायो रजे - आनि नोजोराव बिदियैनो थाबाय था।

नोजोराव गोनां थाइसे हाथाय मिनियोब्ला आं जावलिया जायो, नों मिनिबाय था रजे आनि सेराव नों बिदियैनो थाबाय था आंजों अराय।

—गलाप खुंगुर बसुमतारि

दे फिन खेबसे

दुखु सुखुखौ ? बावनानै, जारला जन्थना बावनानै जा जालांबाय बावगारनानै, गासैबो गसाइनि आखायाव हगारनानै आं सोनाबनिफ्राय फैगोन नों सान्जानिफ्राय फै बै सानखालि लोगो मोननाय बादि नों आंखौ गिबि खेब नुनानै आं नोंखौ गिबि खेब नुनानै मिनिस्तु जाना गोदै राव रायज्जलायनाय बादि फिन खेबसे सिनायमोनै सुबुं जादिनि लामा हान्थियारि, नों मुं सोंना लानो उनजों गाबिजहरनाय बादि हां गोलाव बोना दासो थार लोगोरि मोनबाय आं होननाय बादि फै फिन खेबसे सिनायथि लालायदिनि गिबि लोगो मोनजेन खालि ज जिराइनायाव नों आनि आखाय बिलिरजेननाय बादि, बेरायनो बुलुंथुर दैमानि दालांआव गाखोलानाय बादि, गोजोनै थांना थानायनि राहा दिहुन्दिनि नोनि आरो आनि मिनिस्तु महरखौ फिन लाबोदिनि।

—अजना देवी उपाध्याय
कक्राझार

गोरबोनि थैसाम

थैसाम खादों बिखायाव गोरबोनि बबेबा दख 'रायाव दावहा दिनै गोसोआबो मानोबा अम्बासि खोमसि गोबानि गेजेराव दंब्लाबो हारसिं दरसि-दरसि। मिन्थिगौना नों रजे नोंनि हायना लुफावनाय थै रोदायाव हाबना थाहाबबाय, नोंनि रेगा गालानाया बिखायाव दिनै गोजा थैसाम खानानै थालांबाय 7 गुरलुब-गुरलुब सोगोमबायो सोलेरा दुंहाव-दुंहाव सोलास्लिमबायसै बिखावि अर गैयामोन आंखाल सुगलाय होग्रानि नाथाय दिनै नागिरनो गोनां जाबाय। नों गुमुर मोननाय नड रजे सोदोबनि गोबां खहा जासै मानोबा आंहा नोंनि बै खबाम गोनां राव खोनानो मोनैनिफ्राय बबेबा मिरुआव गारबोजानाय गोरलै गोसोआ मानोबा दिनैबो गोसोखाडे बै समनि जोबथा बुधि नोंनि, मिज्जौ मिज्जौ नुहरबायो गोरबोनि आयनायाव दाबोबो नोंनि गुरै आसिफोरजों बिलिरना रानदोब खावलायखौ सिदोब खालामनाय। फिरायनायनि थैसाम खाना होजानानै आं रजे महर मोनबाय सासे हान्थिगिरिनि सासे थांखि गैजायि आवसाव दावबायारि सिमा गैयि हालुरनि आरो बिदिन्थानि गुमुर मोनै सासे नावारि नाव जावग्रा लैथो गेजेरनि। बाबेननाय समनि आंखालखौबो आं हमदां हालिया दिनै बैसो रिमोननायनि दाहारखौबो आं मोनदानो हनाय गोहो गैलिया। नंगौ बियो थार नोंनि गालानाय रेगाया दिनै गोरबो सिडव थैसाम खानानै थाबाय बिखायावबोसो दोहो-दोहोनो सानख' हायि हांमा सोफबना होबाय। बाबेनथोंसै दिडारिनि सम दिडयाववो नोंनि हायनानि बैथा बुना होनाय आद्रा सिमानि लैथो बिखायाव जावनाय गंसे दिडनि सिमा गैयि हारै मारुसिम जावनाय।

—कुमार बसुमथारि
1 नं बिक्रमपुर, लखिमपुर

गजल खन्थाइ

जिउखां राहा जायहा गैया गोरबोनि सानस्तिनाया

आरो गोरबोनि मिजिनाया

मोगथां मुलुगाव महर गैया

जेराव बेयाववो जानाडे जिर जिर जिंगाया

—रैदोम बर',
माजदिया, बगुलामारि,
बाक्सा

हेंथा

र 'फोरा सोद्रोम सान्थि लुबैसुला गोहो गोरा समायनाखौ सिबिसुला

दैदेनगिरि आरो हादोर सासन खुंगिरिफोरनि इयुन थांखि लामाया थाजोर जाना थायो गाव गावनि साननाय हनाय राइजो राजानो हाबा मावफुंनायजों


थौले गोसोनि सुबुंफोरा गाव गावनि नोजोर थांखि सार्थखौ सुफुंनो थासारिखौ गुबुं होयो

अनजिमा गैयि दुखु खस्थ' सौसिख 'हायै सानदांथि गोग्रोमदों सोमोनांथाव मोगथां गुमुरनि हेंथा।

—सबिराम बर'
राबां, बागसा

सावथुन एनिमेलआ एडाल्ट कभि खुशि कभि गम: रणबिर कापुर

रणबिर कापुर आरो बिन सावथुन एनिमेलआ खौराडाव थाबाय थारो। सावथुनआ माखासे साननि गेजेराव थियेटराव रिलिज जासिगोन। बेनि गेजेराव थानाय सानखालि रणबिरनि ट्रेलारखो रिलिज खालामनाय जादो। सावथुनआव कमेन्ट खालामनाय रणबिर कापुरआ बुंदोदि, बेयो कभि खुशि कभि गमनि एडाल्ट भाजन एनिमेलनि ट्रेलार लन्चआव रणबिर कापुरआ मिडियाजो बाश्रा सावरायदो। बे समाव बियो सावथुननि



सल निफ्राय लानानै गावनि फाव आरो एक्शननि सोमोन्दै फोरमायदो। बियो बुंदोदि, एनिमेलआ करण जौहरनि सावथुन कभि खुशि कभि गमनि एडाल्ट रेटेड बाजन, मानोना गावनि फावआ नख रनि सुबुंफोरखो रेखाथि होनो थाखाय जायखि जाया खामानिखोनो मावो। रणबिरआ गावनि फावनि सोमोन्दै बाश्रा सावरायनाय बुंदो, गाव बेखो डार्क सावथुन बुंनोनाय नडा। मानोना बेयो गोब्राब सोदोब। नाथाय बेयो गावनि फावनि बयनिखुइ कप्लेक्स केरकर।

रणबिरआ बुंनोनाय, एनिमेलआ मोनसे एडाल्ट रेटेड कभि खुशि कभि गम। जुदि बे सल 'खो मोनसे सारिजो नायनांगोब्ला बेयो सासे औरैबायदि सुबुंनि सोमोन्दै, जाय गावनि नख 'खो प्रेक खालामनो थाखाय जायखि जाया खामानिखोनो मावो। रणबिरआ गावनि फावनि सोमोन्दै बाश्रा सावरायनाय बुंदो, गाव बेखो डार्क सावथुन बुंनोनाय नडा। मानोना बेयो गोब्राब सोदोब। नाथाय बेयो गावनि फावनि बयनिखुइ कप्लेक्स केरकर।

रसियानि फावखुंग्रि पलिना मेनशिखआ इउक्रेननि गाग्लोबनायाव जिउ खोमानांदो



बेयो प्रन्ट लाइननिफ्राय 60 किल मिटर जात्थाइयाव दड। रसियानि बिबानगिरिआ बे गाग्लोबनायनि सायाव बांद्राय बाश्रा बुडखै नाथाय इउक्रेननि उगं जाहाजजो गाग्लोबनायाव रावबो सान्निफोरा थैनायनि अनगायै सासे नोगोरारिआ थैदो होना फोरमायदो। फारसेथि इउक्रेननि कामान्दर रवर्ट ब्रभडिआ दाबि दैखांदोदि, गावसोरनो बेखो गाग्लोबनादो मोन। बेवहाय रसियानि मिलिट्रि एवार्ड सेरेमनि सोलिलदो मोन। इउक्रेननि कामान्दर बुं'बावदोदि, गावसोरनि गाग्लोबनायाव सा 25 सुबुंफोरा थैदो। सशेल मिडियाआव मोनसे भिडिआ भाइरेल जादो, जेराव रसियानि सान्निफोरखो जिरायनाय नुनो मोन्दो। जौसाडव पलिनाखो आखाइयाव गिथार लानानै दे'खो रोजाबनाय नुनो मोन्दो मोन। बे समावबो गाग्लोबो आरो गासैबो सिलिखार जायो।

रसिया-इउक्रेननि दावहाया थानाय 1 खावसे बोसोरनिफ्राय सोलिलगसिनो दड। 24 फेब्रुवारिआव बे दावहाया 2 बोसोर आबुं जासिगोन, नाथाय बेयो माल्ला जोबगोन बेनि फिन्नाया रवनिवावबो गया। बेनि गेजेराव सासे रसियानि फावखुंग्रि पलिना मेनशिखनि बुथारजानायनि खौराडाव सोराडव फेदो। रसियाआ इउक्रेननि जाय हासा बाहागोआव दख 'ल खालामदो बेवहाय पलिनाया फारफर्म खालामदो मोन। बे दख 'ल खालामनाय हासा बाहागोआव थिसनजानाय रसियानि सान्निफोरनो गावनि दे'खोखो खोनासंहोदो मोन। बे समावबो अखानिफ्राय थर'से

बमाया गोर्लैफेयो आरो गासैबो सिलिखार जायो। बे उरां जाहाजनि गाग्लोबनायाव रसियानि 40 बोसोरनि फावखुंग्रि पलिनाया थैयो। रिपर्टनि बायदिब्ला बे गाग्लोबनाया थानाय 19 नवेम्बरखालि जादो मोन। रसिया आरो इउक्रेन दरनै हादतनिबो सान्निफोरा बेखो रोखा खालामदोदि, जाय गाग्लोबनायाव रसियानि फावखुंग्रि पलिनाया थैयो गोनां जादो बेखो इउक्रेन आनो गाग्लोबदो मोन। रसियानि मिलिट्री अफिसारआ बुंदोदि, डनेस्कनि गंसे गामियाव स्कुल आरो काल्सारेल सेन्टरआव ए इ स आ इ ए म ए आ र ए स मिसाइलजो गाग्लोबदो मोन।

केबिसिआव 8 बोसोरनि गथ'आ 1 कौटि रांनि सौंथिसिम सौहैनाय साफ्रोमखौबो गोमो होदो



कौन बनेगा करइपति जुनियर्सआ गोबां खौरांफोरनि बाहागो जादो। सानफ्रोमबो अमिताभ बच्चनखो उन्दै-उन्दै गथ'फोरनि गियानखो नुनानै गोमोनाय नुनो मोनो। नाथाय बावैसो समाव केबिसिनि जौसाडव सासे 8 बोसोर बैसोनि गथ' फेदो, जाय गावनि गेमजो बिग बिजो लोगोसे साफ्रोमबोनि गोसो आरो खर' मेलेमआव जायगा बानायदो। 8 बोसोरनि गथ'आ गिदिरफोरखो गियानआव फेजेनानै 1 कौटि रांनि सौंथिसिमावबो सौहैयो। नाताय 1 कौटि रांनि सौंथिनि फिन्नाया गोरोन्यि जायो, बियो 3 लाख 20 रोजा रांखौल 'न'आव लानानै थानो हायो। भिराट अय्यरनि बैसोआ 8 बोसोर, बियो 3 थि थाखोआव फरायो आरो छतिसगडनि थागिबि। नाथाय भिराट अय्यरनि केबिसिआव इन्डुडकसन भिडिआखो सालायनाय जादो मोन, जेराव बिन टिसारआ फोरमायदोदि, भिराटखो गुगल बय मुंजो मिथिनाय जायो। लोगोसेनो भिराटनि बिमाया फोरमायदोदि, बिन गोसोखानो हानाय गोहोआ जोबोदो मोजां।

गाहाम देहानि राहा

एभ'काड' फिथाइखौ जानायजो देहानि बेड कलेस्ट्रलखौ बाडाइ खालामनो हायो

बे फेक्सखौ जो साफ्रोमबो मोनथिगोदि, देहानि थै रोदाफोराव जुदि बेड कलेस्ट्रलनि बिबाडा बाडो अब्ला देहानि थासारिया गात्रि जायो, बेजो गोबां गिखंथाव बेरामफोरबो सोमजियो, जेराव हाइ ब्लाड फ्रेसर, डायबेटिस, हार्ट एटाक, हार्ट पेलियर, कर'नरि आर्टर डिजीज आरो थ्रिपल भेसल डिजीजआ दंफायो। बेबायदिआव मोनसे जरखा फिथाइआ नोथांखौ मदत होनो हागो। ग्रेटर नएडानि जिआइएमएस देहा फाहामसालियाव हाबाफारि मावनाय मुंदांखा डायटिसियान आयुसि यादभआ जि निउजो फोरमायदोदि, थैयाव थानाय बेड कलेस्ट्रलखौ बाडाइ खालामनो थाखाय एभ'काड'खौ जानो हायो। बेजो बिखा, मेगनआ गाहामे थायो। लोगोसेनो बेयो देहानि अभासअल डेप्लापमेन्टआवबो गोबां मदत होयो। मोनसे



मिडियाम साइजनि नोजोर होनाय जादो। एभ'काड'आव 240 केल'रि, 13 ग्राम कार्बहाइड्रेट, 3 ग्राम प्रटिन, 22 ग्राम पेट्स (15 ग्राम मन'अनसेसुरेटेड, 4 ग्राम पलिअनसेसुरेटेड, 3 ग्राम सेसुरेटेड), 10 ग्राम फाइबर आरो 11 मिलिग्राम सडियाम थायो। बे जाहोनावनो कलेस्ट्रलखौ बाडाइ खालामनायाव गोबां मदत मोनो। गोबां सुबुंफोरनि सायाव 6 दानसिम एभ'काड'खौ जाहोनाय सदाननाय जादो आरो साफ्रोमबोनि देहानि सायाव

इलियाना डिक्रुजआ थैक्सगिभिंआव गावनि फिसाज्जलानि नुथायखौ दिन्थिदो



बलिउड फावखुंग्रि इलियाना डिक्रुजआ माखासे दान सिगांसो बिमा जादो। बियो 2023 नि 1 अगस्टआव गावनि फिसाज्जलखौ मुलुगाव बरायदो। फावखुंग्रिआ सशेल मिडियाआव गोबां एक्टिभ थायो आरो गावनि फेन्सफोरजो लोगोसे गावनि फिसाज्जलानि सावगारिफोरखो शेरार खालामबाय थायो। बे खेबावबो बियो गावनि फिसाज्जलानि समायना सावगारिखो फेन्सफोरजो शेरार

खालामदो। बेजो लोगोसेनो फावखुंग्रिआ माखासे सम सिगां गावनि फिसाज्जलानि मुंखौबो फोरमायदो। इलियानाआ फोरमायदोदि, गाव गावनि फिसाज्जलानि मुंखौ कआ फिनिक्स डलान दोन्दो। आधिखालाव इलियानाआ गावनि फिसाज्जलानि कआजो लोगोसे गिबि खेब थैक्सगिभिं मानिदो, जायनि सावगारिखो बियो सशेल मिडियाआव शेरार खालामदो। शुक्रबारनि फुंआव इलियाना डिक्रुजआ गावनि

सशेल मिडिया हेन्डेल इन्सट्रग्राम स्ट्रियाव मोनसे नुथाइखौ शेरार खालामदो आरो गाव माबोरै कआजो गिबि थैक्सगिभिं फालिदो बेखो दिन्थिदो। गिबि सावगारियाव फावखुंग्रिखौ स्वाद गोनां जाग्रा आदारनि फ्लेटखौ हमनाय नुनो मोन्दो। सावगारिखो नुनानै हमदानो हायोदि बियो गावनि फिसाज्जलानि कआजो न'आवबो फोबो फालिदो। गुबुन मोनसे सावगारियाव बियो बेबि कआखो दिन्थिदो। कआनि बे सावगारिया गोबां समायना। बिन किउतनेसखो नुनानै साफ्रोमबो जावलिया जादो। मख'नो गोनांदि, फावखुंग्रिआ जुलि जाया जासे गावनि बयफ्रेन्ड माइकेल डलानजो बे गथ'खौ जोनोम होदो। फावखुंग्रिआ बिमा जानायनि सिगां बयफ्रेन्डजो गावनि सावगारिखो सशेल मिडियाआव शेरार खालामदो मोन।

शाहरुखनि हास्थायगिरिफोरजो गावनि हास्थायगिरिफोरनि गेजेराव दावराव-दावसि जालायनायखौ लानानै सलमानआ बाश्रा बुंदो

सुपारस्टार सलमान खान आरो शाहरुख खानजो लोगोसे आमिर खानआबो गोबाव बोसोरनिफ्राय बलिउड इन्डस्ट्रीआव जरखा जायगा आवग्रिबोदो। शाहरुख आरो सलमाननिया गोबां फेन पलई दड'आरो बिसोरनि सावथुनफोरा रिलिज जानाय लोगो लोगोको फेन्सफोरनि गेजेराव माबेबा फोबोफोरनि थासारि बायदि सोमजिखाडो। बे फावखुंग्रिफोरा कुछ-कुछ हता है, हाम तुम्हारे है सनम, टिउब लाइट, जिर, पाठान आरो टाइगर-3 बायदि गावजो गावनि सावथुनफोराव जरखा केमिय फावफोरखोबो दिन्थियो। गावजो गावनि सावथुनआव बिसोरनि केमिय फाव खालामनाया



नायगिरिफोरजो गोबां अन्सायजादो। गावजो गावनि सावथुनफोराव केमिय फाव खालामनायखो लानानै दाबांमनि फावखुंग्रिआ एएनआइनो फोरमायदोदि, गाव आरो शाहरुख खानआ गावजो गावनि

सावथुनफोराव फाव खालामलायबाय थायो। गावसोरनि नायगिरिफोर बेखो मोजां मोन्नायखो नुनानै गावसोरबो गोजोनो। सुपारस्टारफोरनि गेजेराव गोथो सोमोन्दो थासेयावबो बिसोरनि

हास्थायगिरिफोरनि गेजेराव अयय सम सशेल मिडियाआव दावराव-दावसि जालायनायखो नुनो मोनो। फेन्सफोरनि दावराव-दावसि जालायनाय आरो सशेल मिडिया ट्रेलनि सोमोन्दै बाश्रा सावरायनाय सलमानआ बुंवावो,

गाव अराय सम गावनि फेन्सफोरखो बियो (एसआरके) नोथांनि फेबाय (सलमान) नि फेबाय, बेनिखायनो बियो जेबो जानो मोननाय नडा। बेनिखायनो गावनि फेन्सफोरा जेबो गिदिर जेना सोमजिहोया। फारसेथि सलमानआ बुंवावो गाव बांद्राय सशेल मिडियाखो नाया, गाव ट्रेलिखौ बुजिया। बेनिखायनो जायखो गाव बांद्राय बुजिया बेखो लानानै जिगाबो सिया। मख'नो गोनांदि, आधिखालाव सलमानआ बावैसो समाव रिलिज जानाय सावथुन टाइगर-3 नि जाफुंसारनो हानायखो लानानै रंजनाय लादो। सावथुनआव केट्रिना केफ आरो इमरान हासमिआबो गाहाय फाव खालामदो।

सावथुन बिथोनगिरि राजकुमार कहलिआ 93 बोसोर बैसोआव रुंसारि जाबाय

वेटर्न फिल्म मेकार राजकुमार कहलिआ 93 बोसोर बैसोआव रुंसारि जाबाय। शुक्रबारखालि फुनि 8:00 रिगायाव हार्ट एटाक जानायजो बियो रुंसारि जायो। बिखो गावनि न'नि बादरुमाव थैनाय थासारियाव मोनो हादो। सुलुनि बायदिब्ला, राजकुमारआ फुंआव दुगौनो थाखाय बादरुमाव थादो मोन। गोबाव सम बारनायनि उनावबो जेब्ला बियो



दुगौनो खानानै बायजोआव आंखारबोआखे अब्ला बिन फिसाज्जलानि अरमानआ बादरुमनि दर्जाखो बुफायनानै सिडाव

एनिमेलनि हाब्जाया गुरुद्वाराआव दावबायहैदो

बृहस्पतिवारखालि रणबीर कापुरनि सावथुन एनिमेलनि ट्रेलार लन्च इभेन्टखो दिल्लीआव खालामनाय जायो। बे इभेन्टआव रणबीरजो लोगोसे राश्मिका मन्दना, बबि देअल, बिथोनगिरि सन्दिप रेड्डु भांगा आरो धुषण कुमारखो नुनो मोन्दो। बे इभेन्टनि उनाव रणबीर कापुर, बबि देअल आरो प्रडिउसार धुषण कुमारखो दिल्लीनि बांला साहिब

गुरुद्वाराआव थानाय नुनो मोन्दो। मख'नो गोनांदि, बे गुरुद्वाराआ दिल्लीनि राजिब चौकआव दड। बांला साहिब गुरुद्वाराआ हादरनि बयनिखुइ देरसिन शिख फिलग्रिमैजफोरनि गेजेराव मोनसे। बेयो दिल्लीनि बयनिखुइ देरसिन टुरिस्ट पइन्टबो। बे गुरुद्वाराआ शिखफोरनि गोसो गुवार आखुनि मोनसे बिदिन्थि। रणबीर कापुरखो खर'आव खालसा



पटका खानानै गुफुर कुर्ता-पायजामायाव नुनो मोन्दो। बेराफासे बबि देअलखो गलाब शार्ट आरो गोसोम पेन्ट गान्नाय नुनो मोन्दो। रणबीर कापुर आरो राश्मिका मन्दनानि बे सावथुनआव अनिल कापुर आरो बबि देअलखो नुनो मोनगोन। अनिल कापुरखो रणबीरनि बिफानि फाव खालामनाय नुनो मोनगोन।

बबि देअलखो सावथुनआव भिलेननि फावआव नुनो मोनगोन। बेयो मोनसे गेन्टर ड्रामा सावथुन जागोन। सावथुननि सल'आ बिफा आरो फिसाज्जलानि सोमोन्दोनि बेक ड्रपनि सायाव बिथा खालामनाय। एनिमेल सावथुनआ 1 डिसेम्बरखालि थियेटरफोरव मोन 5 रावफोरव रिलीज जागोन।

चीननि स्कुलआव रहस्य गोनां बेमार गोसारनायिनो दड

बेइजिं, 24 नभेम्बर : चीननि मिडिया स्कुलफोराव मोनसे रहस्य गोदान बेमार गोसारनायनि बाश्ना बुंदों। बेनि जाहोनाव चीननि राजथावनि बेइजिं आरो बेनि 500 माइल बेंखनआव थानाय गासै देहा फाहामसालिफोर बेमारिफोरजों बुंफबदों। बे बेमार गोसारनायखौ होबथानो थाखाय स्कुलफोरखौ छुट्टि होनाय जादों। भुगिनांनय गथ 'फोरनयाव सम्पआव आलौनाय, लोमजानाय, गुजुनाय, गगा मोन्याय बायदि लोक्षोनफोरखौ नुनो मोनगासिनो दड। बेखौ लानानै चीननि नेशनेल हेल्ड कमिशनआ थांनय 13 नभेम्बरआव मोनसे प्रेस



कन्फ्रेन्स खालामो। हुआबो फोरमायदोंदि, चीनआ प्रेस कन्फ्रेन्सआव हां लानायजों लोब्बा गोनां मोनसे बेमार गोसारनायनि खौरां होदों। बे बेरामआ गथ 'फोरखौ गावनि बेंखनआव लागसिनो दड। प्र-मेड मुंनि मोनसे सार्विलान्द प्लेटफर्मआ चीनआव

निमनियारखौ लानानै मुलुगनाडै एलार्ड फोसावदों। बे प्लेटफर्मआ सुबुं आरो जुनातफोरव गोसारना बेमारफोरनि खौरां लायो। प्र-मेडआ करनाखौ लानानैबो थांनय 2019 नि डिसेम्बर दानाव मोनसे एलार्ड फोसावदोंमोन। प्र-मेडनि रिपर्टनि बायदिव्ला बे बेमारआ माल्लानिफ्राय

गोसारना बेखौ दाबो मिबथिनो मोनाखै। लोगोसे प्लेटफर्मआ बे बाश्नाखौबो फोरमायखैदि, बियो गथ 'फोरनावल' गोसारदों ना लाइमोन आरो बैसो गोराफोरखौबो गावनि बेंखनआव लागसिनो दड। थांनय सप्ताहयाव चीननि नेशनेल हेल्ड कमिशनआ निमनिया गोसारनायनि जाहोनाव करना होबथानायफोरखौ बोखारनो फोरमायदोंमोन। हुआ बेमारखौ नायबिजिनो थाखाय चीनआव आथिखालाव गोसारनाय गासै रोखोमनि भाइरासनि फारिलाइ बिदों। बेरफारसे सुबुंफोरखौ मास्क गान्दो आरो सशेल डिस्टेन्स फालिनो थिन्दों। आथिखालाव चीनआव जोबोद गुसु जागसिनो दड। बेयाव बिदुंआ 0 डिग्रिनि खाथियाव सौहैनो हागौ। करना महामारनि सायावबो दासिमाव चीन आरो हुनि गेजेराव जेंना सोलिगासिनो दड। मानोना महामारि जानाय समाव हुआ लान्थियै चीनखौ सौंखारिबाय थादोंमोन।

चीनआव नुजाथिनाय निउमनियानि जेंनाखौ हुआ जिंगासिनाय फोरमायदों



सप्ताह उनाव मिडिया रिपर्टफोरव सा चीननि गुबुन गुबुन जायगायाव गाहायै उन्दैफोरनाव हान्जायै सिनायमोनै निउमनिया जानायनि खौरां मिबथिहोदोंमोन। अदेबानि बेखौ रोखायै बुंनो हायाखैमोनदि, चीननि बिबानगिरिफोरा गथायनय रिपर्टआ बै इन्फेक्सन बांनयजों लोब्बा दड ना गैयामोन। मिडिया रिपर्टनि बायदिव्ला सा-सान्जा चीनआव गाहायै बेइजिं आरो लियाअनिं देहा फाहामसालियाव हरखाबै बेमारि उन्दैफोरखौ थिसन्याय बांसिन जादों। बेयावनि सावसि बिबानगिरिफोरा फोरमायदोंदि, बांसिनै बेमारि थिसन्यायजों फाहामसालिनि सायाव बांसिनै नारसिन्थाइ गोलैदों। गोदानै इन्फेक्सन गोसारनायनि जाहोनाव फरायसालिफोरा बन्द' जानो हागौ होनाबो बुंनय जादों।

जेनेभा, 24 नभेम्बर : कभिड-19 नि उनाव चीनआव गुबुन मोनसेबाव बेराम गोसारनाया गिखां होदों। जर'खायै बे बेरामआ उन्दैफोरनाव बांसिनै गोसारदों। चीनआव गोसारनाय निउमनियारखौ लानानै डाब्लिउ एड्चआ बुंदोंदि, उन्दैफोरनाव इमिउनिटिजों लोब्बा थानाय बेरामफोर आरो हान्जायाव निउमनियानि जेंना गोनां बांनयनि बागै चीननिफ्राय गुवार खौरां बिहरदों। मिडिया रिपर्टफोरव बे बेरामआ कभिड-19 बायदि मुलुगनाडै गोसारनायनोबो हुआ गिखांनय

फोरमायदों। बृहस्पतिवार हरनि समाव हुआ बुंदोंदि, चीननि सावसि बिबानगिरिफोरा निउमनियारखौ लोब्बा थानाय बेरामफोरा बांनोनायखौ लानानै बिथोन होनाय बायदियै डेटाखौ शेयार खालामबाय आरो उन्दै गथ 'फोरनाव निउमनिया जानायनि खौरांबो मिबथिहोदों। बेइजिं आरो लियाअनिंजों लोगोसे गुबुन ओन्सोलफोरव सरासन्हा नडै एबा गोदान भाइरासनि जेबो खौरां मोनाखै होनाबो चीननि बिबानगिरिफोरा बुंदों। बेनि सिगां हुआ बुंदोंमोनदि, 1

रवोला मेक्सिक'नि मोनसे सहराव सा 3 रवौरांगिरि आरो सा 2 नख'रनि सुबुंफोरखौ लांखारदों

मेक्सिक'सिटि, 24 नभेम्बर : मेक्सिक'आ हिंसाजों भुगिनांनय राइज्योआव हाथियार लाग्ना सुबुंफोरा साथाम खौरांगिरि आरो बिसोरनि सानै नख'रनि सुबुंफोरखौ लांखारदों। भुगिनांनय नख'रा बृहस्पतिवारखालि लांखारनाय खौरांखौ मिबथिहोयो। खौरांगिरि हान्जानि बुंनय बायदिव्ला, बियो दावहा जानाय ओन्सोल एबा हादतनि बायजोआव खौरांगिरिफोरनि थाखाय मुलुगनि बयनिखुडुबो गिखं थावसिन हादतफोरनि गेजेराव दरसे जानानै फेदों।



खोला गुएर'राइज्योआव अजद थिसनया मावख'आ बुंदोंदि, लांखार जानाय साबा सुबुंफोरखौ रबिबार आरो बुधवारनि गेजेराव टेक्सक 'निफ्राय लांदों। बे सहरआ जेल्लायबो समावनो सुबुंफोरनि होंगो-दोंगो जाग्रा सहर, जेराव जेल्लायबो दावबायारिफोरबो थाडो आरो फेयो। रबिबारखालि सासे खौरांगिरिखौ बिनि बिसि आरो

फि साज्जलाजों लोगोसे लांखारदोंमोन। बेनि उनाव बुधवारखालि खौरांगिरिफोरनि बिसि-फि साइ सानै खौ लांखारदोंमोन। साखाथिनि सहर सिलपेसिंआव अनलाइन निउस साइटदा आप्टरनुन क्रनिकेलआ बुंदोंदि, टेक्सिक'आव थानाय गावसिनि खौरांगिरि मार्क एन्टनिय टलेडआ सोलिफु बोसोरनि जागायनायाव सासे

ड्राग कर्टेलनिफ्राय हुमखि मोन्दोंमोन, जेराव खौरांगिरिनो मोनसे स्टिरिखौ सोराडाव लाबोनाड होना गोखौं बिथोन होदोंमोन। मख'जाथावदि, टलेड'आ बावैसो सिगाडाव जायगायाव जानाय मोनसे गेना-खाथिनि के सखौ रिपर्ट खालामदोंमोन। निउस साइटनि बिबानगिरिफोर टलेडखौ थाबैनो संदाना दिहुन्तो खावलायदों

आरो बुंदोंदि, बेखौ ड्राग कर्टेलनि गेजेरजों सिरियै दोनहोनाय जादों। गुबुन निउज साइटनि बायदिव्ला बेनि सिगां गुबुन खौरांगिरिफोरखौ ड्राग कर्टेलआनो लांखारदों आरो गावनि जिउरैखा खालामनायनि थाखाय बिसोरो राइज्योनि गुबुन गुबुन बाहागोआव आरो खायसेया गुबुन राइज्योआव खामानि मावनाय जायगाखौ बोस्लायना लांदों। प्रेस इन्डिफेन्डेन्ट ग्रुप आर्टिकल 19 आ बुंदोंदि, टलेड', बिनि बिसि आरो फि साज्जलाखौ रबिबारखालि साबा हाथियार लानानै फेनाय सुबुंफोरा न'निफ्रायनो लानानै थादों। बेनि उनिफ्रायनो बिसोरखौ बबेयाव दड मिबथिनो मोनाखै। गुबुन लांखारजानाय खौरांगिरिफोरनि सिनायथिखौ सिलभिया नाइसा अरसे आरो एलबार्ट सान्सेज होना मिबथिनो हादों।

उतखारि मौलाना मसुद अहजरनि फंबायआ भारतआव हमास दावहारुफोरखौ थिसनगासिनो दड

गोदान दिल्ली, 24 नभेम्बर : भारतआव 26/11 मुम्बाइ उतखारि गाग्लोबनायनि सिगां पाकिस्ताननि गिदिर खैसार सानायनि सोमोन्दैयै मिबथिनो मोन्याय जादों। बे गाग्लोबनायनि मास्तरामाइन उतखारि मौलाना मसुद अजहरआ पाकिस्तानआव थाखोमाना दड, नाथाय बियो गावनि फंबाय आबुल अजहर रुडफनि गेजेरजों भारतआव हमासनि थाखायनो लाइमोनफोरखौ थिसनगासिनो दड। बेनि उनाव बे लाइमोनफोरखौ पाकिस्तानआव दैथाइ हरनानै दावहा नांनयनि ट्रेनि होगासिनो दड आरो बेनि उनाव बिसोरखौ हमासनि फारसे इन्नाइल गाग्लोबनायनि हेंथायै दावहा नांनो थाखाय पाखिस्तानआव दैथाइ हरगासिनो दड। संगालि एजेन्सिफोरनिफ्राय मोन्याय खौरांनि उनाव नख'र बिफाना गासै रैखाथि बिफानफोरखौ एलार्ड खालामो। अदेबानि संगालि एजेन्सिफोरा खौरां मोन्दोंमोनदि, जेश-ए-महम्मदनि गाहाइ मसुद अजहरआ 26/11 गाग्लोबनायनि उनाव मोनसे गिदिर खैसार सानायखौ फिन्नाय होनायाव नांथाबदों। एजेन्सिफोरा नोजोर होनायखौ बांहोनायै मिबथिनो मोनोदि, रुडफआ लान्थियै सेटलाइट फननि गेजेरजों सोनाब बंग', झारखान्द, बिहार, काश्मीर, मध्य प्रदेश आरो बांलादेशनि माखासे सुबुंफोरजों बाश्ना सावरायगासिनो दडमोन। जाय लाइमोनफोरजों बाश्ना सावरायबाय थादोंमोन बिसोरखौ सिगाडावनो सशेल मिडिया आरो गुबुन राहाफोरनि गेजेरजों उतखारि बानायदोंमोन। संगालि एजेन्सिफोरा सन्देह' खालामनाय बायदिव्ला, हमासनि प्लान्ट खालामनायनि उनाव मसुद अजहरजों गोहोम गोलैनानै दावहारुफोर 26/11



बोसोराव भारतआव गाग्लोबदोंमोन जानांगौ। संगालि एजेन्सिफोरनि नायबिजिनयाव माखासे इस्तामिक फोरमानलाइफोर मोनो। बेफोरखौ हारिमायारि उतखारि फंसंथान आइएसआइएसआ बाहायदों। सिगाडाव जेश-ए-महम्मदआबो बेखौ बाहायबाय थादों। रुडफआ लाइमोन दावहारुफोरखौ बे रादायनि सायाव मुंसाइ होगासिनो दड आरो बिसोरखौ हमासनि मदतआव दावहा नांनो समायखिरा लाहोगासिनो दड। रुडफआ झारखान्दआव जाय साबा सुबुंफोरजों सावरायबाय थादोंमोन बिसोरनि गेजेराव सानै आजिर आरो नसिबखौ पुलिसआ थांनय 9 नभेम्बरआव ग्रेप्टर खालामबाय। बिसोर सानैया उतखारि थालिबाननि बुंथिगिरिमोन होनानै सुलुनिफ्राय मिबथिनो मोन्याय जादों।

इराक आरो सिरिया थानाय आमेरिकानि सान्थियारि केम्पफोरनि सायाव रकेटजों गाग्लोबदों

बागदाद, 24 नभेम्बर : इराक आरो सिरियाआव आमेरिकानि सान्थियारि केम्पफोरनि सायाव थांनय बृहस्पतिवारखालि गाग्लोबदों। आमेरिकानि सान्थिफोरनि सायाव इराक आरो सिरियाआव खेबन्नै रकेट आरो डूनजों गाग्लोबदों। आथिखालाव बे गाग्लोबनायाव रावनिबो जिउ ख'हा जानायनि सोमोन्दै खौरां मोन्याय जायाखै। सासे बिबानगिरिनि खौरां होनाय बायदिव्ला, सा-सान्जा सिरियाआव थानाय मोननै



जायगाफोराव आमेरिका आरो हारिमायारि रैखाथि सान्थिफोरनि आमेरिका लोगोसे लांखारदोंमोन। बेनि उनाव बुधवारखालि खौरांगिरिफोरनि बिसि-फि साइ सानै खौ लांखारदोंमोन। साखाथिनि सहर सिलपेसिंआव अनलाइन निउस साइटदा आप्टरनुन क्रनिकेलआ बुंदोंदि, टेक्सिक'आव थानाय गावसिनि खौरांगिरि मार्क एन्टनिय टलेडआ सोलिफु बोसोरनि जागायनायाव सासे

सायाव माखासे रकेट आरो डूनजों गाग्लोबो इस्तामिक रिसिस्टेन्स इन इराक मुंनि मोनसे आफादआ बे ड्रेन गाग्लोबनायनि दायखौ लायो। सुलुडाव फोरमायनाय बायदिव्ला माखासे साननि सिगां इराकनि अर्थ-स्वायत कु दिस्तान ओन्सोल आरो सोनाब इराक आव आमेरिकानि दैदेन्याय जुथाइ सान्थिनि गनै एयारबेसनि सायाव डूनजों गाग्लोबदोंमोन। इराक आव बागदादनि सोनाबह एन अल

असद एयारबेसआव माखासे डूनखौ लन्च खालामो आरो सा इराक आव एरबिल उरां गाथोननि खाथियाव थानाय आमेरिका सान्थिनि एयारबेसआव मोनसे डून लन्च खालामो। बे गाग्लोबनायनि सिगां आमेरिकाया बागदादनि खोलाहा इरान जुथाइ दोलो कताएब हिजबुल्ला (कएड्च) हान्जानि सायाव गाग्लोबदोंमोन। जेराव सा 8 सोद्रोमाफोर जिउ गोमादोंमोन होना के एड्चआ बुंदोंमोन।

इउक्रेनआ रसियानि सायाव गाग्लोबफिन्डो नाजादों

मस्क', 24 नभेम्बर : रसिया-इउक्रेनआव दावहाया जोबनायनि मुं लायाखै। रसियानि सान्थिफोरा इउक्रेननि सायाव लान्थियै गाग्लोबगासिनो दड। बेनि गेजेरजों थांनय हरआव इउक्रेनआ रसियानि सायाव गाग्लोबफिन्डो नाजायो। आथिखालाव रसियानि डिपेन्स सिस्टेमआ क्रिमियानि सायाव



इउक्रेन नि गं 16 था डून

हान्जाया रसियाजों लोगोसे दासिमबो दावहा नांनयगसिनो दड। इउक्रेन आरो रसियानि गुलि गावनायाव के रसन ओन्सोलनि साब्रै सुबुंफोरनि जिउ ख'हा जायो। रसियानि रैखाथि बिफानआ फोरमायनाय बायदिव्ला बिसोरनि सान्थिफोरा डनेटस्क' ओन्सोलाव खोलाहा इउक्रेननि फंसंथानफोरनि सायाव गावखलायो। इउक्रेननि सान्थि

गाग्लोबदोंमोन। क्विभआव आवगायनो गावसोरनि जागायजेन्नाय नाजानायाव फेलें जानायनि उनिफ्राय रसियानि सान्थिफोरा सान्जा फारसे नोजोर होनो जागायो। बिसोरनियारव इउक्रेन ओन्सोलनि 20 जौखोन्दोनिखुइ खमसिन बाहागो दड। खोला केरसन

ओन्सोलाव रसियानि सान्थिफोरा बेरीस्लाव सहराव गुलि गावो, जेराव साइकेलआव गाखोनाय सासे सुबुंनि जिउ ख'हा जायो। सुलुडाव फोरमायनाय बायदिव्ला इउक्रेननि सान्थिफोरा थांनय जुन दानाव नायबिजिनयायखौ जागायो आरो सान्जा-खोला बाहागोखौ मोनो हायो।

मुम्बाइ-आहमेदाबाद बुलेट ट्रेन बिथांखिनि आद्रा थानाय खामानिया आबुं जाबाय

गोदान दिल्ली, 24 नवम्बर : नेशनल हाइ स्पीड रेल कर्परेशन लिमिटेड (एनएचएसआरसिएल) आ मुम्बाइ आहमेदाबाद हाइ स्पीड रेल करिडर बिथांखियाव 100 किल'मिटर दालां आरो 250 किल'मिटर लामानि खामानिखौ जाफुंसार आबुं खालामनानै आरोबाव मोनसे माइल खुन्थियाखौ जाफुंसार होनो हादो। रेल मन्थ्रि आशिवनी भेषणबआ बृहस्पतिबार खालि बुलेट ट्रेन बिथांखिनि जोगाखानायखौ दिन्थिनो मोनसे भिडिअ शोयार खालामो।



मिरुआरि मन्थ्रिया एक्सआव मोनसे परस्ट खालामना बुडोदि, बुलेट ट्रेन बिथांखिनि जोगाखानाया दासिमाव 251.40

किल'मिटराव पिलार्स खालामो आरो एलिभेटेड सुपर स्ट्रक्चरखौ 103.24 किल'मिटराव बनानखबाय। आपडेटेजौ लोगोसे

रेल मन्थ्रिया मोनसे भिडिअ शोयार खालामो, जेव नुनो मोनोदि, बुलेट ट्रेन प्रजेक्टनि हाबाफारिया वलसाड (गुजरात), नवसारी (गुजरात),

सुस्त (गुजरात), बडदर (गुजरात) आरो आनान्दआव सोलिगासिनो दड। जापाननि शिंकांसेनआव बाहायजानाय एमएएइचएसआर करिडर ट्रेक सिस्टेमनि थाखाय बाला-अन्थाइ ट्रेक बसायनाय हाबाफारियाबो सुरतआव जागायबाय। बेयाव बुंनाय जायोदि, बियो गिबि खेब जेब्ला भारतआव जे स्लेब गिट्टीजौ लोगोसे ट्रेक नेम-खान्थिखौ बाहायगासिनो दड। मख'नो गोनांदि, थानाय 2015 आब 2015 मुम्बाइनिफ्राय आहमेदाबादनि गेजेराव बुलेट ट्रेनखौ जागायनो फोसावदोमोन। बे प्रजेक्टखौ थानाय 2017 आब अन्थाइ खाम्म ग्राइसन्दोमोन।

मुम्बाइ एयारफर्सखौ बमाजौ उराय होनायनि हुमखि मोन्दौ

मुम्बाइ, 24 नवम्बर : मुम्बाइ एयारपोर्टनि टर्मिनेल-2 खौ बमाजौ उराय होनायनि हुमखि मोन्दौ। एयारपोर्ट अर्थरिस्टिआ हुमखि होनायनि मोनसे मेल मोनो, जेराव हुमखि होग्राया 48 घन्टा नि गेजेराव बिटकइनाव 1 मिलियन डलार दाबि दैखाडो। मुम्बाइनि सहर पुलिसा सिनाय मोनै सुबुंनि हेंथायै केस थिसन्नानै नायबिजिनो जागायो। आथिखालाव पुलिसा आइपि एड्रेसखौ मिबथिनो मोनबाय।



तेलेंगानानि रंगारेडडीआव बृहस्पतिबारखालि पुलिसा गंसे कारनिफ्राय 5 कौटि रं बोखाडो। उननि नायबिजिनारनाय थाखाय

बिबानखौ आइटि बिफाननि बिबानि गिरीफेरोनो गथायबाय। राइज्योआव 30 नवम्बरआव बिधानसभा बिसायख'थि दड।

माखासे राइज्योफोराव गुरु नानक जयन्तिनि थाखाय बेंकफोरा बन्द' थागोन



गोदान दिल्ली, 24 नवम्बर : फैगौ समबार 27 नवम्बरखालि गुरु नानक जयन्ति आरो कार्तिक पुर्णिमाबो गोलैदो। सोलिफु नवम्बर दानाव गोबां फोर्बोफोरनि जाहोनाव बेंकआ गोबां बन्द' थादो। फिन खनसेबाव फैनो गोनां सानफोराव गोलाव बन्द' थागोन। सोलिफु सप्तायाव 25 नवम्बरआ ब्रैथि शनिबार, 26

नवम्बरआ रविबार, आरो 27 नवम्बरआ गुरु नानक जयन्ति आरो कार्तिक पुर्णिमानि थाखाय बेंकफोरा बन्द' थागोन। मख'जाथावदि, 27 नवम्बरखालि हादतनि गासैबो बेंकफोरानो बन्द' थानाय नड। अदेबानि गुरु नानक जयन्ति सानखौ माखासे राइज्योफोराव राइज्योनाडै बन्द' फोसावनाय जायाखै। भारतीय रिजर्व बेंकआ फोसावनाय बेंक हलिडे फारिलाइनि बायदिल्ला, फैगौ 27 नवम्बरआव आगरतला, आइजल, बेलापुर, भपाल, भुवनेश्वर, चन्डिगड, देहरादुन, हाइड्राबाद, इतानगर, जयपुर, जम्मु, कानपुर, कहिमा, लक्ष्मौ, कलकाता, मुम्बाइ, नागपुर, गोदान दिल्ली, रायपुर, रानची, सिमला आरो श्रीनगरआव बेंकफोरा बन्द' थागोन। फारसेथि 30 नवम्बरखालि कनक दास जयन्तिनि थाखाय तेलेंगानायाव बेंकआ बन्द' थागोन। बेनि अनगायै बिधान सभा बिसायख'थिनि जाहोनाव बेंगालुरु आरो हाइड्राबादआव बेंकफोरा शुट्टि थागोन।

चेयार मार्केटआव दावख्लायनाया भारतीय कारेन्सिआव गोहोम खोख्लैदौ

गोदान दिल्ली, 24 नवम्बर : सेयार मार्केटआव दावख्लायनाया भारतीय कारेन्सियाव गोहोम खोख्लैदौ। शुक्रबारखालि फुनि फालांगि खालामनायाव आमेरिका डलारनि रुजुनायाव रंआ 2 फैसा लोरखां जानानै 83.36 दासिमनि बयनिखुइ गहाइ थोखोसिनाव सौहैयो। दिनै गुबुन हादरारि मुद्रा बाजारव डलारनि रुजुनायाव रंआ 83.33 आब गेवो। जागायजेन्नाय फालांगियाव बेयो 83.36 नि



गाहाय थाखोआव सौहैयो, जाय सिगांनि बन्द जानायनि रुजुनायाव 2 रं दावख्लायनायखौ दिन्थियो।

थानाय सान एबा बृहस्पतिबारखालि आमेरिकानि मुद्रानि रुजुनायाव रंआ 83.34 आब बन्द जादो। बेनि गेजेराव

डलार इन्डेक्सआव गिनबेकआ 0.12 जोखोन्दो बाडय जानानै 103.79 आब फालांगि खालामदोमोन। मुलुगनां थाव बेन्समार्क ब्रेन्ड क्रुड बेसेना 0.06 जौखोन्दो दावख्लायनायै आमेरिकानि डलारआ बेल्प्रमेबो 81.37 जादो। शुक्रबारनि फालांगि खालामनायाव भिएसइ सेन्सेक्सआ 40.84 स्कर एबा 0.06 जौखोन्दो दावख्लायनायै 65,976.97 आब फालांगि खालामदोमोन।

टानेलआव ड्रिलिनि हाबाआ सोलिफिनबाय

उत्तरकाशि, 24 नवम्बर : उत्तराखण्डनि उत्तरकाशि टानेलआव थाबथानानै थानाय सा 41 लेबारपोरखौ बाइजोआव दिहुन्नायखौ हादरनाडेनो नेनानै दड। नाथाय रेस्क्युआव सोमजिनाय जेनाजौ बयबो जिंगायाव गोलैदो। माब्लाबा खहा, माब्लाबा अन्थायफोरा बिसोरनिसिम सौहैनायाव हेंथा होगासिनो दड। बेनि गेजेरजौ शुक्रबार एबा 24 नवम्बरखालि



मिथिनो मोन्दोदि, थानाय 5 मिटरआव जेबो रोखोमनि होबथानाय मोनाखै। गासै 47 मिटरसिम पाइपआ सौहैखांबाय। आथिखालाव 16.2 मिटर जावनो आद्रा दंवावो। ड्रिलिनि समाव जुदि जेबो हेंथा सोमजियाब्ला सा 41

लेबारफोरखौ दिनै बाइजोआव दिहुन्नो हागोन। टानेलआव लेबारफोरनि थाबथानानै थानाया दिनै 24 नवम्बरआव 13 थि सान जाबाय। उत्तर प्रदेश गरखपुरनि थागिबि प्रभिन कुमार यादवआ आमेरिकानि अगर मेसिननि अपारेटर। प्रभणिआ बे

गासै रेखा खालामनाय हाबायाव नांथाबगासिनो दड। प्रभणिआनो 45 मिटर सिनि पाइपआव थानानै बे लहा आरो स्टील पाइपखौ हास हैदोमोन, जाय ड्रिलिनिआव जेना सोमजिहोदोमोन। प्रभणिआ 3 घन्टा नाडै पाइप सिडाव थानायखौ सुलुडाव फोरमायदो। बेयाव अक्सिजननि आंखाल जादोमोन। बेयाव गोबां रिस्क गोनांमोन। आथिखालाव मेसिननि वकिं आ जागायफिनबाय आरो गासै 8-10 मिटर पाइपखौ आबुं खालामनांगौ रेस्क्यु अपारेसननि 12 थि सान एबा बृहस्पतिबारखालि आमेरिकानि अगर ड्रिल मेसिनखौ खेवथाम होबथानाडो।

चीननि स्मार्टफन कम्पनीया अनर 100 सिरिजखौ लन्च खालामबाय



गोदान दिल्ली, 24 नवम्बर : गोदान सम नेनायनि उनाव चीननि स्मार्ट फन कम्पनीया गावनि बाहायगिरिफोरनि थाखाय अनर 100 सिरिजखौ लन्च खालामबाय। बे सिरिजआव मोननै स्मार्टफन अनर 100 आरो अनर 100 प्र आबो दंफायो। मख'जाथावदि, बेफोर सिरिजआ कम्पनिनि अनर 90 लाइनअफनि साक्सेसर। फिचार्सनि बाश्चा बुडोब्ला बे सिरिजआव स्नेपड्रेगन 7 जेन 3 प्रसेसर, 50 एमपि केमेरा आरो 5,000 एमएएइच बेटरि मोनो। अनर 100 आब 6.7 इन्सिन डिस्प्ले मोनानायजौ लोगोसे 120


एचजेट रिफ्रेस रेट, 2600 निटसनि पिक ब्राइटनेस मोनो। अनर 100 प्रआव 6.78 इन्सि डिस्प्ले मोनानायनि अनगायै स्नेप ड्रेगन 8 जेन 2 प्रसेसर मोनो। केमेरायनि बाश्चा बुडोब्ला अनर 100 आब डुयेल केमेरा सेटआप मोनो, जेराव अप्टिकल इमेज स्टेबिलाइजेशन आरो एलइडि प्लेस इन्सिनजौ लोगोसे 50 एमपि सनि आइएमएक्स 906 प्राइमरि सेन्सार आरो 12 एमपि सनि माइक्रलेन्स मोनो। सेल्फि आरो भिडिअ कलनि थाखाय सिगांथि 50 एमपिनि केमेरा सेन्सार दड। अनर 100 आबो ट्रिपल केमेरा सेटआप मोनो हायो, जेराव अप्टिकल

इमेज स्टेबिलाइजेशन आरो एलइडि प्लेस इन्सिनजौ लोगोसे 50 एमपि सनि आइएमएक्स 906 प्राइमरि सेन्सार, 12 एमपिनि माइक्रलेन्स आरो हाइब्रिड जुमजौ लोगोसे 32 एमपिनि टेलिपट' सुटर दड। अनर 100 सिरिजआव 100 वार्ड भायर्ड पास्ट सांजि सापर्टजौ लोगोसे 5,000 एमएएइचनि बेटरि मोनो। फारसेथि अनर 100 प्रआव 100 वार्ड भायर्ड पास्ट सांजि आरो 66 वार्ड भायार्डलेस सांजि सापर्टजौ लोगोसे 5,000 एमएएइचनि बेटरि दड। अनर 100 नि 12 जिबि प्लास 256 जिबि भेरिएन्टिनि बेसेना सिएनवाइ 2,499 एबा 29,200 रं, 16 जिबि प्लास 256 जिबि भेरिएन्टिनि बेसेना सिएनवाइ 2,799 (32,700 रं) आरो 16 जिबि प्लास 512 जिबि भेरिएन्टिनि बेसेना सिएनवाइ 2,999 (35,000 रं) थि खालामनाय जादो।

गोदान दिल्ली, 24 नवम्बर : भारतीय मार्केटआव गोबां गिदरि गरि बानायथा कम्पनीफोर दड। फारसेथि निसान इन्डियाआबो थानाय बोसोर एबा 2022 आब गावनि गंनै गोदान एसइडिभ आरो गंसे एमपिभिखौ दिन्थिदोमोन। कम्पनीआ आथिखालाव गावनि पर्टफ'लिय'खौ बांहोनोबो हास्थायदो। बेवहाय एक्स-ट्राइल, क्वासकाइ आरो चुके आबो दंफायो। आथिखालाव निसानियाव गंसेल' मडेल मेगनाइट दड। बेयो कम्पनीखौ आलादा आलादा पेरिएन्डआव फेश खालामो। बेयो कम्पनीनि

अख्रामानिफ्राय बुहुमा गिबि लेजार मेसेज मोन्नो हादो

गोदान दिल्ली, 24 नवम्बर : बुहुमा गिबि खेब अख्रामानिफ्राय लेजार मेसेज मोन्नो हादो। बे मेसेजखौ 16 मिलियन किल'मिटर (10 मिलियन माइल) गोजानिफ्राय बुहुमाव दैथाइहरदो। मेसेजखौ रिसिभ खालामनायाव 50 सेकेण्ड सम नादो। बेनि बागै नासाया बुंदो, गिबि खेब गावसोर लेजार मेसेजखौ मोन्नो हादो। बे मेसेजखौ अख्रामायाव थानाय गावसोरनि Psyche स्पेसक्राफ्टनिफ्राय दाथाइहरदो, जायखौ 50 सेकेण्डआवनो बुहुमाव रिसिभ खालामनो हायो। गोबाव समनिफ्रायनो नासाया रेडिअ सिग्नलखौ बाहायनायै स्पेसक्राफ्टजौ कमिउनिक्शन खालामनो एबा फोनांजाब खालामनो हानानै दंमोन। नाथाय बेनि सिगां एजेन्सिया माब्लाबाबो एसेबां गोजानिफ्राय अख्रामायाव लेजारखौ बाहायनायै खौरां दैथाइहराखैमोन आरो रिसिभबो खालामाखै मोन। नासानि



बिबानगिरि टर्डो कर्टिसनि बायदिल्ला, बे एसिभमेन्टनिफ्राय लामा मोनगोन। बिथाड बुंभावदोदि, बेजौ गावसोर टेक्नीकखौ जौगाखां खालामनो हागोन। जायजौ गुबुन ग्रहफोराव साइन्टिफिक खौरां, पट' आरो भिडिअ दैथाइहरनो हानाय जागोन। Psyche स्पेसक्राफ्टखौ 13 अक्टबरआव फलरिदानि केनेडी स्पेस सेन्टरनिफ्राय लन्च खालामनाय जादोमोन। बे एक्सपेरिमेन्टिनि थाखाय डिप

स्पेस अप्टिकल कमिउनिक्शन (डिएसअसि) सिस्टेमखौ बाहायनाय जादो। बे सिस्टेमखौ लेजार-बीम मेसेजखौ बुहुमाव फिन दैथाइहरनायनि थाखाय बाहायनाय जायो। आथिखालाव डिप स्पेसआव स्पेसक्राफ्टजौ फोनांजाब खालामनो थाखाय बुहुमाव गिदरि एन्टिना लागायनाय जायो। बे एन्टिनाजौ मेसेज दैथाइहरनो आरो रिसिभ खालामनो थाखाय रेडिअ सिगनेलखौ बाहायनाय जायो।

नाथाय बेनि बेन्डविडथआ सिमा गोनां जायो। बे एक्सपेरिमेन्टिनि उनाव आथिखालाव नासाया रेडिअ सिग्नलनि बदलै लाइडखौ बाहायनायै बुहुम आरो स्पेसक्राफ्टनि गेजेराव फोनांजाब खालामनो हानाय जायो। नासानि बायदिल्ला, बे सिस्टेमआ आथिखालाव बाहायजानाय स्पेस कमिउनिक्शन डिभाइसनि रुजुनायाव 10-100 गुन बांसिन गोखैयै इन्फर्मसन्व दैथाइहरनो हागो।

निसानआ फैगौ समफोराव माखासे मोजां गरिफोरखौ लन्च खालामगोन



बयनिखुइ बाडाइसिन एसइडिभ, बे कारनि जागायजेन्नाय बेसेना 6 लाख रं। निसानआ एक्स ट्रेल फुल

साइस एसइडिभ। बेखौ रेन' खालामनाय जादो। बे कारआव 1.5 लिटारनि टार्ब पेट्रल इन्जिनखौ मोनो। बेयो मोनसे हाइब्रिड टेक्नल'जनि लेस।

बेयो मोनसे पर्ड व्हील ट्राइभ अप्सनआव फैयो। बेजौ लोगोसेनो बेवहाय मेनुएल आरो सिंथिफिट अटमेटिक ट्रान्समिशन अप्सनखौ मोनगोन। बे गरिफोरखौ जिप मरिडियान, महिन्द्र एल्टुरास जि4, एमजि ग्लास्टार आरो स्कडा कडियक बायदि एसइडिभजौ रुजु जायो। बेयो मोनसे मिड साइज एसइडिभ, बेवहाय 1.3 लिटार टार्ब पेट्रल इन्जिनखौ मोन्नो हायो। बे एसइडिभआव एक्सट्रीम सिंथिफिट अटमेटिक ट्रान्समिशन अप्सनखौ मोनो। बेजौ लोगोसेनो बेवहाय 4 डब्लिउडिनि अप्सनआबो थागोन।